

Inatsisartut suleriaasianni § 33 naapertorlugu aalajangiiffigisassatut siunnersuut manna matumuuna Naalakkersuisunit saqqummiunneqarpoq.

**Folketingip Ombudsmandia pillugu inatsisip allangortinneqarnissaa pillugu inatsisip assigiinngitsut Kalaallit Nunaannut atuutilersinneqarnissaannut peqqussut pillugu Inatsisartut aalajangiiffigisassaattut siunnersuut.**

(Naalakkersuisut Siulittaasuat)

**Tunngavilersuineq:**

Folketingip Ombudsmandiata Kalaallit Nunaanni ombudsmandi pillugu inatsit nutarterneqaqqullugu Justitsministeria qinnuigisimavaa.

Malittarisassat Kalaallit Nunaannut atuuttut eqqarsaatigalugit inatsisini ukunani allannguutit marluk pisimapput:

- inatsit nr. 502 12. juni 2009-meersoq, FN-ip konventioniani naalliutitsinermut allatigulluunniit peqqarniitsumik, atussaangitsumik nikassaasumilluunniit pineqarnissamut imaluunniit pillarneqarnissamut protokoli malinneqarsinnaasoq naapertorlugu taamatut pisoqannginnissaanut nunami pinaveersaartitsinissaq siunertaralugu Folketingip Ombudsmandianik 2007-mi toqqaanerup kinguneranik arlalitsigut allannguinerusoq, kiisalu
- ombudsmandip Meeqqanut Allaffiata pilersinneqarneranut kiisalu Folketingip Ombudsmandiata ukiuni qulini atuussinnaatitaaneranut aalajangiinermut tunngassuteqartoq.

Folketingip Ombudsmandi pillugu inatsisaata allangortinneqarnera Kalaallit Nunaanni kunngip peqqusineratigut atuutsinneqalissappat, tamanna Inatsisartut 2022-mi ukiami ataatsimiinneeranni aalajangiiffigineqassaaq.

**Tunuliaqutaa**

Folketingip Ombudsmandia pillugu inatsit nr. 473 12. juni 1996-meersoq kiisalu Folketingip Ombudsmandia pillugu inatsit nr. 556 24. juni 2005-meersup allangortinneqarnera 1. januar 1997-imi aamma 1. januar 2007-mi atuutilernermiunniit Kalaallit Nunaanni atuutsinneqarsimapput. Ombudsmandi pillugu inatsit kingorna marloriarluni allangortinneqarsimavoq. Allannguutit taakkua marluk (inatsit nr. 502 12. juni 2009-meersoq aamma inatsit nr. 568 18. juni 2012-meersoq) suli Kalaallit Nunaanni atuutsinneqalersimangillat.

Folketingip ombudsmandiata Kalaallit Nunaanni ombudsmandi pillugu inatsit nutarterneqaqqullugu Justitsministeria qinnuigisimavaa. Tamanna tunngavigalugu Justitsministeriamiit inatsisip nr. 502 12. juni 2009-meersup aamma inatsisip nr. 568 18. juni 2012-meersup allangortinneqarnerata Kalaallit Nunaanni atuutsinneqalernissaannut tamakkiisumik siunnersuusiortoqarsimavoq. Taakkua saniatigut ombudsmandi pillugu inatsisip maannakkut atuuttup Kalaallit Nunaannut tulluusaatitut allannguutai ikkunneqarput, Ombudsmandi pillugu inatsisip § 34-mi imm. 2 takujuk.

Ombudsmandi pillugu inatsisip allanngortinneqarnera nr. 502 12. juni 2009 -meersoq (Folketingep ombudsmandiata soraarnerussutisiaanut, Ombudsmandip suliaqarfinnut tamakkiisumik pisortatiguunngitsunut suliffeqarfinnullu namminersortunut il.il. piginnaasaqarfiinut) atatillugu FN-ip konventioniani naalliutitsinermut allatigulluunniit peqqarniisumik, atussaangitsumik nikassaasumilluunniit pineqarnissamut imaluunniit pillarneqarnissamut protokoli malinneqarsinnaasoq naapertorlugu taamatut pisoqannginnissaanut nunami pinaveersaartitsinissaq siunertaralugu Folketingip Ombudsmandianik 2007-mi toqqaanerup kinguneranik arlalitsigut allannguineruvoq.

Ombudsmandi pillugu inatsisip allanngortinneqarnera nr. 568 18. juni 2012.meeersoq (Folketingip ombudsmandiata suliffimmini atuuffissaanut, soraarnerussutisiani malittarisassat ilaannik malinninnginnissamut periarfissamut, soraarnerussutisianut kiisalu Folketingip ombudsmandianik isumaqatigiissuteqarnikkut soraareernermi tapisianut (eftervederlag) kiisalu Folketingip Ombudsmandiani meeqqanut allaffiup pilersinneqarneranut tunngasut) ombudsmandip Meeqqanut Allaffiata pilersinneqarneranut kiisalu Folketingip Ombudsmandiata ukiuni qulini atuussinnaatitaaneranut aalajangiinnermut tunngassuteqarpoq.

Inatsimmut allannguutinullu atuuttunut tunngatillugu peqqussut ima iluarsineqarpoq, taamaallaat inatsisini attuumassuteqartuni ombudsmandip sulinerani Kalaallit Nunaanni pisortatigut aqutsinermi naalagaaffeqatigiinnermit isumagineqartortai iluarsivigineqarlutik.

**Pisortani aningaasaqarnikkut allaffissornikkullu kingunerisassat:**

Soqanngilaq

**Aningaasaqarnikkut allaffissornikkullu namminersorlutik inuussutissarsiortuni kingunerisassat:**

Soqanngilaq

**Innuttaasunut aningaasaqarnikkut allaffissornikkullu kingunerisassat:**

Soqanngilaq

**Tusarniaaneq**

Folketingip Ombudsmandia pillugu inatsisip allanngortinneqarnissaa pillugu inatsisit assigiinngitsut Kalaallit Nunaannut atuutilersinneqarnissaanut peqqussut piffissami 17. november 2021-miit 15. december 2021-imut tusarniutigineqarsimavoq.

**Ilanngussat**

1. Folketingip Ombudsmandia pillugu inatsisip allanngortinneqarnissaa pillugu inatsisit assigiinngitsut Kalaallit Nunaannut atuutilersinneqarnissaanut peqqussummut siunnersuut.

2. Folketingip Ombudsmandia pillugu inatsisip allanngortinneqarnissaa pillugu inatsisit assigiinngitsut Kalaallit Nunaannut atuutilersinneqarnissaannut peqqussummut siunnersuutip naalisarneqarnera.
3. Folketingip Ombudsmandia pillugu inatsisip Nunaannut atuutilersinneqarnissaanut nalunaarummut siunnersuut